



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R.P. Fvlvii Androtii, Societatis Iesv, Piæ meditationes de  
Passione & Morte D. N. Iesv Christi**

**Androzzi, Fulvio**

**Coloniæ Agrippinæ, Anno MDCIII**

Colloqvivm Animæ cum Christo de Passione.

[urn:nbn:de:hbz:466:1-48634](#)

DE PASS. DOMINI. 77

tiam, si aliud egero, dixero, vel cogitaue-  
ro, quām Maiestati tuā conueniat. De-  
nique ut deinceps reddam tibi amorem  
pro amore, sanguinem pro sanguine, vi-  
tam pro vita, ut quemadmodum vita  
mea scandalizauit cōclum & terram, sic  
in posterum sancta & exemplari vita pro-  
ximum meum ædificem, diuinam Ma-  
iestatem laudem, benedicam, & semper  
glorificem. Amen.

COLLOQVIVM ANI-  
mæ cum Christo de Pas-  
fione.

**D**omine quare te vendi permisisti?  
Ut te à seruitute liberarem.  
Domine cur tantum orasti?  
Ut placarem iram patris con-  
trate.

Domine cur passus est timore & pauorem?  
Ut facerem te securum & animosum.  
Domine cur posita sunt tibi tot insidia?  
Ut te liberarem ab omnibus insidijs.

Quare sudasti sanguinem?  
Ut eluerem maculas tuorum peccato-  
rum.

Quare voluisti capi?  
Netu ab inimicis tuis caperere.

D 3 Qua-

**Quare ligari?**

**Vt peccatorum tuorum vincula dissipuerem.**

**Quare fuisti negatus à Petro?**

**Vt confiterer te coram patre meo.**

**Cur voluisti deseriri ab omnibus discipulis?**

**Vt tecum essem usq; ad diem iudicij.**

**Cur voluisti accusaris?**

**Vt te absoluerem.**

**Cur voluisti sputis commaculari?**

**Vt sordes tuas abstigerem,**

**Cur voluisti flagellari?**

**Vt tu liberareris ab eternis flagellis.**

**Cur voluisti exaltari in crucem?**

**Vt tu eleueris in cœlum.**

**Cur voluisti coronari spinis?**

**Vt te coronarem in cœlesti gloria.**

**Quare extendisti brachia?**

**Vt te amplecterer ô anima mea dilecta.**

**Quare Domine mi caput tuum inclinasti?**

**Vt te oscularer ô anima mea chara.**

**Quare voluisti aperiri pedi tuum?**

**Vt te in cor meum reciperem, anima mea.**

**Quare voluisti medius esse inter duos latrones?**

**Vt tu esses in medio angelorum in Paradyso, ô anima mea chara.**

Ocha-

**O** Charitatem immensam, ô amore infinitum, ô dilectionem inauditā, ô misericordiam stupendam, quod Deus fiat homo, æternus, temporalis, impassibilis, passibilis, immortalis, mortalis, glōriosus, ignominiosus, & propter quos quæso? pro me, pro me, pro me. ô stupor stupendus.

*Oratio de singulis articulis  
passionis.*

**D**eus qui pro redēptione mundi dī*ui*sti nasci, circumcidi, à Iudæis reprobari, à Iuda traditore osculo tradi, vīculis alligari, sicut agnus innocens ad victimam duci, atque conspectibus Annæ Caiphæ, Pilati, & Herodis indecenter offerti, falsis testibus accusari, flagellis & opprobrijs vexari, sputis conspui, spinis coronari, colaphis cædi, arundine percuti, facie velari, vellibus exui, cruci clavis affigi, in cruce leuari, inter latrones deputari, felle & aceto potari, & lancea vulnerari. Tu Domine per has sanctissimas pœnas tuas, quas ego indignus recolo, & per sanctam crucem & mortem tuam, libera me à pœnis inferni, & perducere digneris, quò perdixisti latronem tecum crucifixum. Qui cum Patre, &c.

D

Alia

*Alia oratio.*

DOMINE IESV CHRISTE in cuius di-  
uone cuncta sunt posita, & non est,  
qui possit resistere voluntati tuæ, qui di-  
gnatus est nasci, mori, & resurgere: per  
mysterium sacratissimum corporis tui,  
& per quinq; vulnera & effusionem pre-  
tiosissimi sanguinis tui miserere nobis,  
sicut tu scis necessarium esse animabus  
& corporibus nostris, libera nos à diaboli  
tentatione, & ab omnibus, quibus nos  
angustiatos esse cognoscis, nosq; in ser-  
uitio tuo vsque ad finem conserua & cor-  
robora, & veram emendationem, spa-  
cumque veræ pœnitentiae nobis tribue  
& remissionem omnium peccatorum  
post obitum: & fac nos fratres, sorores, a-  
micos & inimicos inuicem diligere, &  
cum omnibus sanctis tuis in re-  
gno tuo sine fine gau-  
dere: Qui cum  
Deo Patre,  
&c.

*Ad*

*Ad vulnera CHRISTI*

*Oratio.*

**R**ogo te Domine Iesu per illa salutifera vulnera tua, quæ passus es in cruce pro salute nostra, è quibus emanauit ille pretiosus sanguis, quo sumus redempti, vulnera hanc animam meam peccatricem, pro qua etiam mori dignatus es. vulnera eam igneo & potentissimo telo tuæ nimia charitatis. Confige cor meum iaculo tui amoris, ut dicat tibi anima mea, charitate tua vulnerata sum: ita ut ex ipso vulnera amoris tui uberrimæ fluent lachrymæ die ac nocte. Percute Domine, Percute obsecro hanc durissimam mentem meam pia & valida cuspide dilectionis tuæ, & altius ad intimam penetra potenti virtute.

*Qui viuis,*

*&c.,*

*F*